

Roman Iparragirre Altamira

*Arantza,
Nafarroa
(1930)*

Aurkibidea

Biografia



Arantzan sortu zen, Anttonen
bordan.

Zintak

ARN-025

- **Proiektua:** Bortzirietako ahozko ondarea
- **Elkarrizketatzailea(k):** Lakar Iraizoz, Maite
- **Data:** 2006-12-04
- **Iraupena:** 58 min
- **Euskarria:** Bideo digitala
- **Emalea:** Arburua Etxeberria, Patri

Pasarteak

1. Ikatza: plaza nola egiten den

- **Erref:** ARN-025/002
- **Iraupena:** 0:01:51. **Hasi:** 00:00:23. **Bukatu:** 00:02:14
- **Multimedia:** bideoa online ikusgai

Gaia(k):

Laburpena:

Plaza egiten da eta egur batzuk jartzen zituzten azpian. Egur baila ezberdinak egiten zituzten, goian egun motzagoekin. Orbela eta iratzeekin tapatu eta lurra botatzen zioten gainetik txondorrari. Goitik sua sartzen zitzaion, zulo batzuk egin haizea hartu zezan txondorrak. Sua alde batera bazihoan zuloa beste aldean egin behar zitzaion. 6 lagun aritzen ziren plaza prestatzen. Lehenbizi lurra zelaitzen zuten aitzurrarekin. Egur handienak behean, txikixeagoak erdian eta egur txikiak goian. Erdian tximinia egiten zitzaion. Egurra zein motatakoa eta ze neurrikoa zen arabera, gehiago edo gutxiago kostatzen zen ikatza egostea. 15 egun handiak baziren, 7-8 txikiagoak baziren.

2. Ikatza: Pagoa edo haritza erabiltzen zen. Txondorra bildu

- **Erref:** ARN-025/003
- **Iraupena:** 0:02:28. **Hasi:** 00:02:14. **Bukatu:** 00:04:42
- **Multimedia:** bideoa online ikusgai

Gaia(k):

Laburpena:

Pagoa edo haritza erabiltzen zen gehien bat. Gaztaina erabiltzen zen arotzendako ere. Desberdinak ziren. Ikatzik onena pagoarekin egiten zen. Txondorreko lurra beheraino erortzen zenean jakiten zen ikatza egina zegoela. Plaza guztia garbitu eta egon zitezkeen harriak baztertu eta ikatza ateratzen zuten arrazteluarekin, pilatu eta hozten utzi. Zakuetan sartzen zen ondotik eta mandoarekin edo idiekin jaisten zen, karroetan. Orbegozo izeneko bati saltzen zioten. Burdina urtzeko erabiltzen zuen.

3. Ama ezkongabeak

- **Erref:** ARN-025/005
- **Iraupena:** 0:02:21. **Hasi:** 00:04:47. **Bukatu:** 00:07:08
- **Multimedia:** bideoa online ikusgai

Gaia(k):**Laburpena:**

Ama ezkongabeek asko sofritzen zuten. Bere ama, ama ezkongabea izan zen eta nobioak banandu zituzten. Ahizpak ostatua zuen Lesakan eta bertan lan egin zuen. Gero aiton-amonekin bidali zuen amak Román. Ama ezkondu zen ondotik. Ama ezkongabe baten haurrak gauez bataiatzen ziren. Beste ama batzuek haurrak inklusan utzi eta adoptatzen zituzten.

4. Ezkontza tratuak

- **Erref:** ARN-025/007
- **Iraupena:** 0:00:37. **Hasi:** 00:07:39. **Bukatu:** 00:08:16
- **Multimedia:** bideoa online ikusgai

Gaia(k):**Laburpena:**

Ezkontzaien amek lotzen zituzten tratu horiek normalki. Ezkontzen ziren eta kito! Ez ziren eskapatzen ere.

5. Gizonak ez ziren ezkontza tratuetan aritzen. Lesakan bat bai

- **Erref:** ARN-025/009
- **Iraupena:** 0:00:41. **Hasi:** 00:09:00. **Bukatu:** 00:09:41
- **Multimedia:** bideoa online ikusgai

Gaia(k):**Laburpena:**

<p>Normalean gizonak ez ziren holako tratuetan aritzen, emazteen kontua zen. Lesakan bazen Inazio izeneko gizon bat eta hura bai ibili zen. Neskazahar eta mutilzaharrek elkartze zituen. Arropak erostearen truke egiten zuen lan hura.</p>

6. Sorginak trenean ibiltzen omen ziren

- **Erref:** ARN-025/011
- **Iraupena:** 0:00:30. **Hasi:** 00:10:00. **Bukatu:** 00:10:30
- **Multimedia:** bideoa online ikusgai

Gaia(k):**Laburpena:**

Sorginak trenean ibiltzen zirela zioten zaharrek eta trenean sorginak noiz ikusiko izaten ziren txikitan.

7. Sorgina izan nahi zuen baten istorioa

- **Erref:** ARN-025/013
- **Iraupena:** 0:01:13. **Hasi:** 00:10:39. **Bukatu:** 00:11:52
- **Multimedia:** bideoa online ikusgai

Gaia(k):**Laburpena:**

Lesakan ba omen zen atso bat sorgin fama zuena eta mutil batek esan omen

zion berak ere nahi zuela sorgina izan. Egun batean atsoak mutilari esan zion erreka batera joateko eta han bi ahuntza topatuko zituela, bata beltza eta bestea zuria. Beltza adarretatik eusteko eta sorgina izan nahi zuela esateko. Akelarrera joan zen eta sorgin bilakatu. Sorgin asko erre omen zituzten inguruetan.

8. Herrian urik ez eta lamien putzutik ekarri. Lami eta sorginen esaerak

- **Erref:** ARN-025/015
- **Iraupena:** 0:01:55. **Hasi:** 00:12:10. **Bukatu:** 00:14:05
- **Multimedia:** bideoa online ikusgai

Gaia(k):

Laburpena:

Herrian idortea izan eta herriko batek esan zuen berak ekarriko zuela ura. Beste batek erantzun zion ezetz, lamiek ez ziotela utziko. Eske joan zen eta ura ekartzeko ontzia tximinizulotik beheiti bota zuten lamiek. Gaez ibiltzen ziren. Lami eta sorginei esaten zieten, eguna egunezkoentzat eta gaua gaezkoentzat. Norbera bere tenorean oheratzen zen. Sorginei eta lamiei esaten zieten “Onezko bahaiz mintza hadi, gaizto bahaiz alde hadi”.

9. Sorgina agertzen bazen zer egin

- **Erref:** ARN-025/017
- **Iraupena:** 0:00:31. **Hasi:** 00:14:11. **Bukatu:** 00:14:42
- **Multimedia:** bideoa online ikusgai

Gaia(k):

Laburpena:

Sorgina agertzen bazen atzamarrekin gurutze bat egin behar zen. Gaez kukurrukua entzuten bazen, sutara gatza bota behar izaten zen.

10. Sorginak katu beltz bilakatzen ziren

- **Erref:** ARN-025/019
- **Iraupena:** 0:01:35. **Hasi:** 00:14:54. **Bukatu:** 00:16:29
- **Multimedia:** bideoa online ikusgai

Gaia(k):

Laburpena:

Sorginak katu beltz bilakatu eta mahaian azpian gordetzen ziren. Beste katuak eta etxe hortakoak asaldatzen zituzten eta apaiza joan behar izaten zuen etxea bedeinkatzera, batera eta bestera. Baserritarrek oparia ematen zioten trukean. Herriko apaiz batek erabaki zuen ez zituela gehiago etxeak bedeinkatuko hori baserritarrendako galera handia baitzen oparitan.

11. Joxepantoni sorgina

- **Erref:** ARN-025/021
- **Iraupena:** 0:00:32. **Hasi:** 00:16:40. **Bukatu:** 00:17:12
- **Multimedia:** bideoa online ikusgai

Gaia(k):

Laburpena:

Joxepantoni sorginik famatuena zen. Behin ilobari harri batzuen azpitik katu beltz bat atera zitzaion eta kolpe handi bat eman zion makilarekin. Geroago emakumea ohean zen, izterrean kolpe bat hartu zuelako, makil batekin joa.

12. Sorgina tximiniatik behera

- **Erref:** ARN-025/023
- **Iraupena:** 0:00:35. **Hasi:** 00:18:05. **Bukatu:** 00:18:40
- **Multimedia:** bideoa online ikusgai

Gaia(k):**Laburpena:**

Arantzako Anibarren gertatu zen. Emazte bat iruten ari eta sorgina tximiniatik hizketan hasi zitzaion "Atzo pirri-pirri eta gaur porro-porro" (?). Emakumea nazkatu eta zartaginean olioaren erretzen jarri zuen suan, eta sorgina berriz mintzatu zitzaionean olioaren bota zion. Emazteak sorginarekin topo egin eta zer pasatzen zitzaion galdetu eta "Neuri nire buru" esan zion, berak bere buruari egin ziola hori.

13. Mari Matias sorgina

- **Erref:** ARN-025/025
- **Iraupena:** 0:00:54. **Hasi:** 00:18:44. **Bukatu:** 00:19:38
- **Multimedia:** bideoa online ikusgai

Gaia(k):**Laburpena:**

Sorginak hil ahal izateko, sorginkeria norbaiti pasatu behar izaten zioten, bestela agonian egoten baitziren, ezin hil. horregatik, norbait joaten zen, baina eskua eman beharrean sorginkeria hartzeko, oiloa jartzen zuen eta hari pasatzen zion sorginak sorginkeria.

14. Zenbat aldiz jo behar dira sorginak hiltzeko

- **Erref:** ARN-025/026
- **Iraupena:** 0:00:28. **Hasi:** 00:19:38. **Bukatu:** 00:20:06
- **Multimedia:** bideoa online ikusgai

Gaia(k):**Laburpena:**

Sorginak behin jo behar da hiltzeko. Sorginak "jo nazak gehiago" esaten du eta, bigarren aldi batez jotzen bada, hirugarren aldi batez ere jo beharra dago, bestela bera da erasotuko zaituena.

15. Terexa sorgina

- **Erref:** ARN-025/028
- **Iraupena:** 0:00:27. **Hasi:** 00:21:26. **Bukatu:** 00:21:53
- **Multimedia:** bideoa online ikusgai

Gaia(k):

Laburpena:

Kontrabandoan aritzen ziren lehen eta Terexa izeneko emazte baten ataritik pasatzen ziren usu kontrabandistak gauez. Hurrengo egunean Terexak bazekien zein pasa zen.

16. Asto sorgina

- **Erref:** ARN-025/029
- **Iraupena:** 0:01:06. **Hasi:** 00:21:53. **Bukatu:** 00:22:59
- **Multimedia:** bideoa online ikusgai

Gaia(k):**Laburpena:**

18 urterekin Romanek asto bat gurutzatu zuen bidean. Astoa hartzen saiatu eta euria bota zuen eta Roman zipatu egin zen. Uste du sorgina zela asto hura.

17. Amerikanoa eta belea

- **Erref:** ARN-025/031
- **Iraupena:** 0:00:57. **Hasi:** 00:23:04. **Bukatu:** 00:24:01
- **Multimedia:** bideoa online ikusgai

Gaia(k):**Laburpena:**

Amerikano bat bere lagun batekin Doneztebera joan zen. Han afaldu, musean aritu eta berandu egin zitzairen. Etxerako bidean batek mendian lo pixka bat egin nahi izan zuen. Jarri zen eta bele beltz bat sartu zitzaion barrenera. Belea atera zitzaionean, esan zuen, nahikoa lo egin dut, orduan iratzarri zen.

18. Sorgin loreak

- **Erref:** ARN-025/033
- **Iraupena:** 0:00:43. **Hasi:** 00:24:21. **Bukatu:** 00:25:04
- **Multimedia:** bideoa online ikusgai

Gaia(k):**Laburpena:**

Etxeko ateetan loreak jartzen ziren sorginek etxea ez atakatzeko. Elorria eta erramua jartzen ziren atarietan. San Juan goizean argitu baino lehenago hartzen ziren lore sortak eta ateetan jarri babes gisa.

19. Lamiak

- **Erref:** ARN-025/034
- **Iraupena:** 0:02:00. **Hasi:** 00:25:04. **Bukatu:** 00:27:04
- **Multimedia:** bideoa online ikusgai

Gaia(k):**Laburpena:**

Lehenbiziko pertsonak omen dira lamiak. Kobazuloetan bizi ziren eta eguzkitan orrazten zuten ilea urrezko platera batekin. Arruzpiko koban ziren lamiak. Eguzkiak jotzen zuen maldara ateratzen ziren lamiak. Bere amona anis

garrafon bat eramaten ari zelarik ikusi zituen lamiak orrazten mendi hartan. Ilea hori-horia omen zuten. Baziren gizon lamiak ere. Gorputza pertsonena bezalakoa zuten, zangoak ere. Aranibarren ere ba omen ziren. Etxeetara jaisten ziren lamiak.

20. Lamia haurdun

- **Erref:** ARN-025/035
- **Iraupena:** 0:00:40. **Hasi:** 00:27:04. **Bukatu:** 00:27:44
- **Multimedia:** bideoa online ikusgai

Gaia(k):

Laburpena:

Lami bat haurdun zen eta emaginaren etxera jaitsi zen. Laguntzeko eskatu eta erditze lana egin zion eta urrezko bandeja bat eman zioten trukean. Etxera heldu bitartean atzera ez begiratzeko eskatu zioten emaginari. Etxera sartzean atzera begiratu eta bandeja kendu zioten.

21. Animak

- **Erref:** ARN-025/037
- **Iraupena:** 0:01:11. **Hasi:** 00:28:23. **Bukatu:** 00:29:34
- **Multimedia:** bideoa online ikusgai

Gaia(k):

Laburpena:

Animak ere ateratzen omen ziren. Arima ateratzen omen zen mendian zen kaxa batetik. Apaiza joan zen eta ez omen zen berriz arimarik ateratzen. Romanek dio horiek lehengo kontuak direla. Apaizak miserian bizi zirela eta holako kontuekin jendea engainatu eta opariak biltzen zituztela.

22. Xixeroa

- **Erref:** ARN-025/039
- **Iraupena:** 0:01:23. **Hasi:** 00:30:00. **Bukatu:** 00:31:23
- **Multimedia:** bideoa online ikusgai

Gaia(k):

Laburpena:

Alkohola zuten edarien guarda zen xixeroa, udaleko langilea zen. Denuntzia jartzen zuen besteren batek alkohola bazuen. Anisarekin kontrabandoan aritzen ziren. Bere aitaren aita ur hotz-hotza zuen putzu batean sartuta (iturberrin) egon zen zenbait orduz xixeroak ez harrapatzeko, pulmonia hartu eta hil egin zen. Alkohola erosteagatik, beraz, udalari ordaindu behar zitzaion.

23. Berdabioko diru egilea

- **Erref:** ARN-025/041
- **Iraupena:** 0:00:57. **Hasi:** 00:31:59. **Bukatu:** 00:32:56
- **Multimedia:** bideoa online ikusgai

Gaia(k):

Laburpena:

Goizuetan, Berdabion, bazen dirua egiten zuen gizon bat. Harrobi batetik metala atera eta 5 soseko txanponak egiten zituen. Harrobia non zen galdetu eta oilarrak kukurruku kantatzen zuen tokian zela erantzun zuen. Harrobia antzeman eta kendu zioten.

24. Aranibar eta Ibarla

- **Erref:** ARN-025/042
- **Iraupena:** 0:00:30. **Hasi:** 00:32:56. **Bukatu:** 00:33:26
- **Multimedia:** bideoa online ikusgai

Gaia(k):**Laburpena:**

Aranazko lehen bi etxeak dira. Bata bestearen beste puntan da eta jendeak zioen ez ote ziren haserretuko bertako familiak, gertuegi bizitzeagatik.

25. Erremedioak

- **Erref:** ARN-025/043
- **Iraupena:** 0:01:15. **Hasi:** 00:33:26. **Bukatu:** 00:34:41
- **Multimedia:** bideoa online ikusgai

Gaia(k):**Laburpena:**

Haurren hernia sendatzeko, arratseko 12ak jo eta berehala haritz bat ireki eta umea handi pasa behar zen. Katarroarendako malbabiskoa egosi eta horren ura. Sugeak ausikitzen badu, nabalakin ebaki eta zauria uretan jarri eta kredoa aldrebes jarri.

26. Ukendua ardiendako

- **Erref:** ARN-025/044
- **Iraupena:** 0:00:36. **Hasi:** 00:34:41. **Bukatu:** 00:35:17
- **Multimedia:** bideoa online ikusgai

Gaia(k):**Laburpena:**

Amonak egiten zuen ardiendako ukendua. Irina, elurraren ura, intsusaren azala, horiek denak egosi, loditu egiten zen eta ardiei ematen zioten hura.

27. Txistea. Zenbat jaungoiko

- **Erref:** ARN-025/046
- **Iraupena:** 0:00:31. **Hasi:** 00:35:26. **Bukatu:** 00:35:57
- **Multimedia:** bideoa online ikusgai

Gaia(k):

Laburpena:

Emakume bat apaizarengana joan zen bazkotarako txartel bila eta apaizak zenbait jaungoiko ote ziren galdetu zion. Emakumeak 3 zirela, bat Lesakan, bestea Sunbillan eta azkena Goizuetan. Apaizak bakarra zegoela esan eta emakumeak non ote zen hura. Zeruan. Eta zeruan non? Eta apaizak ez zekiela. Emazteak bezala.

28. Txistea. Pernando Amezketarra eta bildotsa

- **Erref:** ARN-025/047
- **Iraupena:** 0:00:51. **Hasi:** 00:35:57. **Bukatu:** 00:36:48
- **Multimedia:** bideoa online ikusgai

Gaia(k):**Laburpena:**

Pernando Amezketarrak bildotsa ebatsi nahi eta ezin leihotik pasa. Konfesatzera joan eta lapurtu nahi izan zuela baina ezin izan zuela esan zion apaizari. Apaizak hura bekatua zela berdin-berdin. Ia zer egin behar ote zuen eta apaizak berari duro bat ordaintzeko esan. Emakumeak konfesatzen ziren leihotik ordaindu nahi zion Pernandok itxita zegoen leihotik. -Hortik ez itxita dago ta! Noski, irekita izan balitz aterako bainuen bildotsa! Erantzun Pernandok.

29. Txistea. Ijitoak eta oilaskoak

- **Erref:** ARN-025/049
- **Iraupena:** 0:00:28. **Hasi:** 00:36:53. **Bukatu:** 00:37:21
- **Multimedia:** bideoa online ikusgai

Gaia(k):**Laburpena:**

Ijitoek 2 oilasko joka ikusi, hartu etxera eraman eta jan zituzten. Apaizarengana konfesatzera joan eta honek zerbait lapurtu ote zuen galdetu eta ijitoak ezetz. Apaizari zer kontatu zion ijitoak.

30. Behien kofradia

- **Erref:** ARN-025/050
- **Iraupena:** 0:01:20. **Hasi:** 00:37:21. **Bukatu:** 00:38:41
- **Multimedia:** bideoa online ikusgai

Gaia(k):**Laburpena:**

Behien kofradia bat bazen. Behi bakoitzagatik norberak ordaintzen zuen hainbat, behi bat hil ezkeru diru pixka bat izan ahal izateko. 43 sozio egon izan ziren, gero 20. Behiak kentzearekin kofradia desagertu egin zen.

31. Ura Arantzan. Komunak

- **Erref:** ARN-025/052
- **Iraupena:** 0:01:12. **Hasi:** 00:40:14. **Bukatu:** 00:41:26
- **Multimedia:** bideoa online ikusgai

Gaia(k):

Laburpena:

Romanek ez daki noiz jarri zuten ura Arantzan, baina bera jaio zenerako bazen iturria. Gero, baserrietan jarri zuten norberak pagatua. Arropa eta gorputza garbitzeko errekan garbitzen ziren, baita neguan ere. Komunik ere ez zuten, beraz, kanpoan egiten zituzten beharrak, edo kortan. Lehenengo komunka egurrezkoak izaten ziren.

32. Egurrezko paretak

- **Erref:** ARN-025/053
- **Iraupena:** 0:00:51. **Hasi:** 00:41:26. **Bukatu:** 00:42:17
- **Multimedia:** bideoa online ikusgai

Gaia(k):**Laburpena:**

Etxean gelen arteko paretarik ez eta oholekin egiten ziren paretak. Etxean 4 gela zituzten, sukaldearekin 5. 4 paretetatik 3 egin zituzten taulekin.

33. Alarguna berriz ezkontzen bazen joareak jotzen zizkioten. Toberak...

- **Erref:** ARN-025/054
- **Iraupena:** 0:01:43. **Hasi:** 00:42:17. **Bukatu:** 00:44:00
- **Multimedia:** bideoa online ikusgai

Gaia(k):**Laburpena:**

Alargun bat berriz ezkontzen bazen joareak jotzera joaten zitzaizkion herriko gazteak. Etxera joaten zitzaizkion kantatzera. Matrimonio berria bazen kantatzen zuten: San Martin, de la monja mojada, San Martín, Toberak jo ditzagun Amabirjinarekin...". Toberak deitzen zitzaizkion horri, ezkontza egunean izaten zen. Nobioek herriari ardoa ematen zioten ezkontza aurreko azken igandean.

34. Neskatan

- **Erref:** ARN-025/055
- **Iraupena:** 0:01:02. **Hasi:** 00:44:00. **Bukatu:** 00:45:02
- **Multimedia:** bideoa online ikusgai

Gaia(k):**Laburpena:**

Batzuetan mutilak burua tapatuta ateratzen ziren. Hori ikusi izan du Romanek. Emazteak ezin ziren ostatuan sartu, ezin zuten dantza lotuan egin... Sueltoan aritzen ziren dantzan

35. Kontrabandoa

- **Erref:** ARN-025/056
- **Iraupena:** 0:04:50. **Hasi:** 00:45:02. **Bukatu:** 00:49:52
- **Multimedia:** bideoa online ikusgai

Gaia(k):

Laburpena:

Puntillak, zetazko galtzerdiak, autoen kubiartak, kobrea... Bizkarrean eramaten zituzten paketeak makil baten laguntzaz, karga bi bizkarretan banatzeko. Batek zuen besteak abisatzeko lana. 6, 7, 8, 10 lagun joaten ziren. Guardia-zibilak izaten zituzten mendian atzetik. Binaka joaten ziren normalki eta bidegurutzeetan batzuk bijilatzen aritzen ziren. Guardia Zibilek tiroak botatzen zituzten airera norbaitekin gurutzatu ezker. Bati tiroa eman zioten belaunean. 3 bat orduko bidea egiten zuten. Baziren Guardiak atzematen zituzten zenbait txakur, nahiz eta batzuetan huts egiten zuten. Bidonak ziren eramateko gaiztoenak. Larruak ere pasa izan ziren gero.

36. Guardiak erosi egiten zituzten

- **Erref:** ARN-025/058
- **Iraupena:** 0:01:31. **Hasi:** 00:50:09. **Bukatu:** 00:51:40
- **Multimedia:** bideoa online ikusgai

Gaia(k):**Laburpena:**

Baziren saltzen ziren zenbait guardia. Tratuak enkargatuek egiten zituzten. Guardiiek paketea kendu ezker, jornalik ez. Paketeak dendetan saltzen jartzen zituzten eta ez zen deus gertatzen.

37. Pernando Amezketarra eta zerria

- **Erref:** ARN-025/060
- **Iraupena:** 0:01:18. **Hasi:** 00:51:46. **Bukatu:** 00:53:04
- **Multimedia:** bideoa online ikusgai

Gaia(k):**Laburpena:**

Pernando Amezketarrari zerria hiltzeko eskatu zion apaizak. Hil zuten eta zintzilik jarri idortzeko. Etxera joan eta hurrengo egunean apaizari txerria lapurtu ziotela eta ia Pernandok eraman ote zuen. Pernandok ezetz. Haurraren sehaskan gorde zuten zerria eta aitaren traza zuela esan zion apaizak Pernandori.

38. Pernando amezketarra eta txekorra

- **Erref:** ARN-025/062
- **Iraupena:** 0:00:51. **Hasi:** 00:53:16. **Bukatu:** 00:54:07
- **Multimedia:** bideoa online ikusgai

Gaia(k):**Laburpena:**

Txekorra saldu nahi Fernandok eta neurtu zuen puntatik puntara. Norbaitek erosi nahi izan zion, larruarekin danborra egiteko eta isatsarekin txistua.

39. Lehengo kontuak

- **Erref:** ARN-025/063
- **Iraupena:** 0:02:58. **Hasi:** 00:54:07. **Bukatu:** 00:57:05
- **Multimedia:** bideoa online ikusgai

Gaia(k):**Laburpena:**

Lehengo kontu eta istorio horiek zaharrek kontatzen zituzten, ez baitzen telebistarik. Tximinia bazterrean. Bueltan edozein biltzen zen kontu kontari, baita kantan ere. Lasaiago bizi ziren, ez zuten eskolarik ere...kontuak ateratzen gero ikasi zuen Romanek. Ezkondu ondoren hasi zen eskolan, gauez.

Iparragirre Altamira, Roman | ahotsak.eus Orr.

Ahotsak.eus-eko edukiarekin sortutako dokumentu automatikoa.

2025-12-08

CC-by-sa | Ahotsak.eus

Badihardugu Euskara Elkartea

Markeskua Jauregia, 20600 Eibar

943121775 - ahotsak@ahotsak.com